



DEO OPTIMO MAX UNI ET TRINO,

VIRGINI DEI-PARÆ, ET S. LUCE,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,
*manè discutienda in Scholis Medicorum, die Jovis vigesima-quintâ
mensis Aprilis, anno Domini M. DCC. LXXI.*

M. PETRO CHEVALIER DE LA HAMONAIIS,
Doctore Medico, Præside.

An à ventis vehementissimis & procellis aer salubrior reddatur.

I.



RT E M medicam rectâ investigatione consequi cupienti, aeris circumfusi variâ mutationes prædiscendæ sunt; etenim indefinenter spirando ductus in pulmones, autor & dominus omnium quæ nobis accidunt evadit. Vultum, mores, passionem, inclinationes, ingenia, constitutiones, ipsaque idiomata populorum ad ipsius similitudinem efformat; morbos multiplices inducit, aut grassantes depellit citius quàm remedia præstantissimæ aliàs virtutis: ut testantur diyi senis scripta, & constans multorum seculorum observatio. Nullâ vi

A

potentiùs immutatur quam ventis vehementissimis & procellis, ideò horum consideratio maximè necessaria est illis qui artis salutiferæ pomœria latius extendere cupiunt. His enim probè perspectis, & cognitis, morborum originem investigare, physicas causas edisserere, curationem instituere, epidemiaeque futuras divinare minus arduum erit. Harum verò assertionum probationem ut faciliùs aggredi possimus, juvat in ipso limine quædam de aere præmittere.

Aeris nomine intelligimus fluidum inspidum, inodorum, invisibile, globum terræque ambiens. Vel ut simplex considerari potest, vel ut mixtum quod atmosphæram constituit.

Sub primo respectu contemplatus aer: elasticus, compressibilis, gravis, & summè expansibilis est; vel maximo naturæ miraculo, harum proprietatum immemor, vinculum elementorum primarium evadit, ad effingenda concreta cum iis conspirat, animantium, vegetabilium, & etiam mineralium compositionem ingreditur, illorumque soliditati confert. Ut indefesso labore probaverunt viri clarissimi & in captandis experimentis acutissimi Halesius & Marbride.

Quamvis nusquam purus reperiatur, nec adhuc in corpus homogeneum suis proprietatibus essentialibus reduci potuerit, ex albo elementorum non tolli debet. Sinè eo enim nihil oriri vivere & crescere potest, illo præcipuè symbolum conferente, sua quæquæ miracula movet natura. Sic, in imis terræ penetralibus, suis vinculis dum coercetur, omnis rerum ordo inconcussus permanet; vaporibus autem aqueis gravidus & calefactus ubi eadem vincula dirumpit, faciem totius orbis immutat, desert montes, subrigit plana, valles extuberat, novas in profundo insulas erigit.

His prælatis de aere elementari, nunc si Atmosphæram exanimis incudi subjiciamus, hanc corpusculorum innumerabilium quasi laminarium esse agnoscemus; in illâ enim faciliè deprehendi possunt mox enumerandæ substantiæ.

1°. Caloris materia, quam modò corporibus in ipsâ demersis communicat, modò ab iisdem quâcumque de causa evolutam recipit.

2°. Phlogiston seu ignis materia quam combustio è suis compedibus solvit, & aeri intimè immixtam esse probant lumen atque varia meteora.

3°. Aqua quam avidè trahunt, tempore etiam siccissimo, salia alkalia.

4°. Spiritus, olea destillata, quæ brevè distillantur, sole imprimis æstuante, nisi vase clauso ferventur.

5°. Spiritus fermentati, olea quæcunque, sulphur, quæ dilabuntur in auras dum incenduntur.

6°. Salia omnis generis è terrâ suâ soluta.

7°. Particulæ etiam terræ & metallicæ, modò cum aliis mobilioribus jungantur.

8°. Materia subtilissima è vegetabilibus emissâ quam testantur odores.

9°. Substantiæ demùm ex animantium corporibus transpiratione insensibili, aut putrefactione evolutæ.

Corpuscula enumerata & alia permulta quæ omnem physicorum solertiam eludunt, dum corpora destruantur, necessitate ineluctabili, aeri suum vestigal solvunt, in terras rursus relapsura ut nova fiat rerum generatio. Hanc autem circulationem constituendo, quâ perpetuò viget natura, in se invicem variis modis agunt, assiduè immutant atmosphæram, hujus æquilibrium turbant, & omnia meteora concitant. Inter quæ ventos & procellas considerari, horum causas eruere, & utilitates inquirere hodiè est animus.

VENTUS est aeris sensibilis & progressivus motus. Hujus origo involutissima est, quamvis Philosophi tam antiqui quam recentiores circa hanc se exercuerint. Vix etiam ulla spes affulget has latebras dimovendi ob diversitatem causarum quæ varios ventos concitant. Opinionem clarissimorum virorum qui hos ab uno fonte, lunâ scilicet, fluere arbitrantur in iis tantum regionibus verâ deprehenditur, ubi statim temporibus certus est eorum recursus. In plerisque autem terræ plagis, cum ventis nihil sit magis mutabile & versatile, causa eorum præcipua & generalior non constanter & eodem modo agere debet, sed pro soli naturâ mutationes pati diversas. Quæquidem proprietates, quantum conjecturâ mihi attingere licet, calori duntaxat competere queunt. Hoc nomine intelligo tum solis calorem qui omnem telluris superficiem vi suâ implet & exagitat, tum ipsum calorem nativum qui à centro orbis ad peripheriam diffunditur.

Calorem ad ventorum generationem imprimis conferre existimo aerem aut aqueos vapores rarefaciendo, quæ objectu locorum variè reflexa in ventos vertuntur diversos.

Nostre propositioni robur maximum dat vis expansiva horum fluidorum. Si aer combustione, fermentatione, vel putrefactione à corporibus evoluitur, spatium octies centies majus corpore quo continebatur occupat. Ille verò quem spiramus calore rarefactus decies octies major fit suo volumine; suâ autem rarefactione ventis ortum dare probat status qui foramine angusto locum clausum subit, necnon omne incendium quod vehementem ventum comitem semper habet.

Vis expansiva quæ major est, & penè fidem superat. Potest, caloris actione, spatium quatuordecim millies majus occupare, in tenuissimum vaporem converti, & in ventum frigidum atque vehementissimum resolvi, quo metalla etiam liquantur, ut manifestum est curioso æolipilæ exemplo. Proinde non rejicienda est sententia Democriti qui ventos à vaporibus ortum ducere existimavit. Illis profectò calore explicatis, in aeris fluidum eversis, per angustias collectis, vel ad montes reperiçissis & coagmentatis, venti oriuntur, aut in imbrès resolvuntur. Quapropter pluviam ventus sæpè antecedit & illâ delapsâ flare desinit. Experientia etiam testatur ventorum patriam ibi esse, ubi magna aquarum copia reperitur: hinc maria vehementissimis sæpè turbantur procellis.

Procellarum autem nomine veniunt venti subitanei & vehementes qui ob effectum diversitatem varia obtinent nomina.

Cum ex oppositis regionibus in unum conflunt, &

Unde ruunt Eurusque Notusque creberque procellis

Africus. Tunc inter se luctantur, & arietant, ventumque efformant circumactum & eundem ambientem locum, & se in ipsâ vertigine concitantem, qui turbo est. Nam ut flumen incurrens in aliquod saxum retorquetur, & in orbem aquas sine exitu flectit. Sic ventus quamdiù nihil obstitit vires suas effundit: sed ubi statibus oppositis, aut aliquo promontorio reperiçissus, aut in tenui canali collectus sæpius in se volutatur, similem aquis facit vorticem.

Si corpuscula dissimilia & phlogisto turgida in atmosphærâ diutius maneat, alia aliis incidere & impelli, comprimi & collidi, longâ arietatione effervescente, vim electricam elici, phlogiston ex iis, aut ex ipso aere evolvi necesse est, atque turbonem igneum produci qui Typhon aut Prester nominatur.

Eadem corpuscula dum effervescunt, nubibus aggestis si includantur, aer ipsis coercitus ex ipsâ humiditate majorem vim comparat, captivitatibus impatiens, liberum exitum quærit & tunc nihil est quod

*Ventos iuſtantes tempeſtatesque ſonoras
Imperio premat ac vinclis & carcere franet.*

Undè fremitu vaſto atque impetu ex nubibus undequaque vibratus ſubitò prorumpit & Ecnephiam conſtituit; hunc etiam concitare poſſunt contrarii aeris profluenteſ inter ſe collifì, aut nubes grandior & adſtrictior quæ celeri impetu deorſum ruit, aeremque inferiorem elidit: ſic Ecnephas capitis bonæ ſpei, oculuſ bovis dictuſ, nunciatur nubeculâ quæ ob ſuam altitudinem vix nucem æquat magnitudine; brevi ſe ſe explicat, tempeſtatemque concitat eò vehementiorem quò minor, apparuit, aerem enim eò magis premit quò ex altiori loco decidit.

Hiſ præmiſſis de ventis generatim nunc peculiariùſ conſiderandi ſunt.

Veteres ut Homeruſ & alii, quatuor duntaxat ventos poſuerunt quorum quiviſ à certo mundi puncto ſpirat. Qui ab ortu ſubſolanuſ vocatur, à meridie Auſter, à ſeptentrione Boreas, ab occaſu zephyruſ aut favoniùſ. Attamen nulluſ eſt orbis punctuſ à quo non oriri poſſit ventuſ aliquiſ. Undè qui eoſ omneſ reſcereſ vellet inſinituſ foret. Græci iuniorēſ & Romani duodecim admiſerunt, ut ex Adamantini fragmentiſ ac Plinii ſcriptiſ patet. Recentiores hodiè trigenta duoſ agnoſcunt. Quatuor cardinaleſ hic præcipuè excutiemuſ. Namque alioſ ſermone proſequi longiùſ atque ſaſtidioſuſ foret.

Venti alii ſunt generaleſ, alii certis lociſ peculiareſ. Generaleſ vocant qui magno telluriſ tractu totuſ ſerè annuſ ſpirant. Taleſ in zonâ torridâ duntaxat reperiuntur, & ſunt pleruſque aut Euro collateraleſ aut Euruſ ipſe. Die præcipuè vigent, undè à ſole originem ducere videntur, qui calore ſuo magnam vaporuſ copiam è mari ſubjecto continenter educit & antè ſe propellit.

Circà trigefimuſ tamen latitudiniſ graduſ, vento orientali plurimuſ debilitato, occidentaliſ maximâ anni parte ſæpiùſ imperiuſ obtinet, qui forſan nihil eſt præter orientalem ab oppoſitiſ littoribuſ reflexuſ. Penes enim varioſ reflectioniſ gradus alii ſubindè venti concitantur.

Venti certis lociſ proprii ſunt ii qui ex montibuſ altiffimiſ, ubi vaporeſ tantuſ in quibuſdam promptuariiſ coacervantur, ex aquis ſtagnantibuſ, ex quibuſdam antriſ ſubterraneis, ſicut ex conſtanti fomite naſcuntur. Hi autem ſunt ſtationarii, periodici, diurni, & anniverſarii.

Stationarii vocantur qui penè continenter in aliquâ regione ſpirant ut Auſtraleſ in Peruvie & Chili littoribuſ.

Periodici dicuntur qui poſt certuſ tempuſ redeunt; diurni verò qui 12 horiſ ſpirant ſive de nocte ſive de die. Sic in littore Novæ Hiſpaniæ à mediâ nocte ſtant venti terreſtreſ, manè maritimi.

Anniverſarii quot anniſ certo tempore conſtanter ſtant. Motioneſ vocantur iideſ cum certis menſibuſ ſpirant. Huiuſmodi ſunt Ethieſiæ in Græciâ & Aegypto qui circà ſolſtitiuſ æſtivalè impetuſ aſſumuſ, cum concuſſæ calore magno nives, quibuſ onerantur montiuſ juga, tabeſcunt: eadēde cauſâ Madriti in Hiſpaniâ magnâ æſtatiſ parte, ſtant venti Borealeſ à Pyreneiſ jugiſ.

Sunt venti plurimi intrâ unam regionem cadenteſ & circà ipſam naſcenteſ qui ad aliquot milliaia tantuſ excurrunt ut Pontuſ dictuſ in Delphinatu qui oritur ex anguſtiſ montiuſ quibuſ cingitur oppiduluſ Nion vocatuſ. Cadurcenſiſ tractuſ iideſ maximè ferax eſt.

Sub noſtro cælo quamviſ valdè mutabileſ videantur venti, ſæpiùſ tamen ſequenteſ ordinem ſervare deprehenduntur.

Ab initio Februarii ad mediuſ Martiuſ, favoniùſ humore benigno & leni calore, terram laxant & molliunt, ſuccuſque moyent.

His Australes succedunt, quorum tepentibus auris, laxant arva sinus & genitalia poscunt semina. Non diurni sunt, sed brevi convertuntur in zephyros qui feminalem rerum virtutem blandè fovendo ver promovent & suo flatu Medium Martium, totum Aprilem, cum magnâ parte Maii temperare debent.

A vergiliarum ortu spirare incipiunt subsolani usque ad mensem Julium quo imperium obtinent Australes, donec medio Septembri, occidentales ventos & pluvias secum deferat Arcturus.

Circà initia Octobris sequitur serenitas, vocant (l'Été Saint Denis) tunc temporis flant Cauri (Nord-Ouest) usque ad vergiliarum occasum, sub quem sæpè fit aliqua mutatio in aere & impetum sumunt Aquilones hiemi dicati.

Nunc operæ pretium erit considerare quomodò iidem venti se habeant ad regionem in quâ degimus. Namque horum indoles à naturâ loci quem perflant, pendet. Sic à mare humidi, à montibus nive coopertis frigidi, ex arenosis desertis æstu solis torridi calidi sunt. Quapropter quæ sub alio cœlo observarunt Hippocrates, Aristoteles, Galenus & Celsus nostro congruere nequeunt.

Australes Græcis periculosissimi & pestilentes sunt, quòd ex locis calore maximo adustis profecti mare Mediterraneum peragrent, atque in ipso itinere magnam vaporum copiam adsiscant. Nobis autem non multum nocent quia non sunt æquè calidi & humidi atque ab illis fumus quodammodò averfi, & præterea franguntur antequam ad nos deveniant. Vix etiam credibile est ex tropicis deferri, cum in Galliâ & Italiâ contrarii venti sæpè spirent.

Subsolanus, qui ex Aristotele est calidus & siccus, in Galliâ, Angliâ, Belgio plerumque est frigidus, quòd à Germaniâ, Poloniâ, & aliis frigidioribus locis prodeat. Imò sæpè mense Maio & initio Aprilis, cum collquantur nives quibus onerantur prædictarum regionum montes, frigidior est, fructibusque & animalibus magnum detrimentum infert. In Italiâ sæpè est humidior quòd à mari Adriatico spiraret. In Indiâ occidentali, ut plurimum salubrior & frigidior. Contrà in Arabiâ & Africâ adeò calidus & siccus ut vix ferri possit quòd arenosas & calidas regiones decurrat.

Occidentales qui ab Oceano spirant nobis sunt insalubres, suo enim humore aeris elaterium minuunt, hunc leviores efficiunt, pluviasque deferunt. Quapropter cùm cæteris prævalent & dominantur, id est, cùm flant & vehementius & diutius, corpora laxa, mollia, infirmaque reddunt, & obeundis vitæ muniis inepta, perspirationem sufflaminando humores congerunt, cachexias, catarrhalesque morbos inducunt; econtrà Italis & Græcis tenui frigore saluberrimi sunt, inde Poetæ zephyros & favonios tantis laudibus extulerunt.

Boreales in nostrâ Galliâ gelidi sunt & sicciores, à regno enim Sinenfi usque ad nos nullum mare pertranseunt. Horum autem effectus pendent maximè ex anni tempore quo spirant. Versus finem veris aut initium æstatis, si calidos dies sequantur, suo frigore tussis, inflammationes, pleuritides concitant. A solstitio æstivo ad æquinoctium Autumnale vel paulò serius, iidem inhibent putrefactionem, cui maximè favent calor, humor, & diurnæ malaciæ. Sæpius sub nostro cœlo, vegetationi moras nectunt: eam verò promovent in Græciâ, Italiâ, & regionibus Asiæ aut Africæ mari Mediterraneo vicinis. In universum nostris occidentilibus cum succedunt, aeris elasticitatem restituendo, actionem vitalium integritatem servant, sanguinis circulationi favent, mentem exhilarant, appetentiam, concoctionem, supervacuorum, dissolutionem expurgationemque promovent.

CUM aliqua constitutio ventis vacua diù perstat, effluvia quæ indefinenter in immensum aeris mare evehi docuimus, majori copiâ aggregata, hoc polluant; undè sanguinem & humores labefactari, totum corpus immutari, hominemque gravissimâ morborum cohorte obteri necesse est; in primis si humor calori conjunctus accedat: tunc enim atmosphæra in atram quasi memphitim convertitur, diarrhææ, dysenteriae, cholera morbus, febresque putridæ suscitantur, inflitis, abnormibusque symptomatibus comitatae, quæ ob celeritatem quâ diffunduntur, & maximum quod important periculum pestilentes vocantur. Neque homines solum verùm etiam vegetabilia inficiuntur, fruges rore corroduntur, & in atrum vertuntur venenum; monstrum horrendum, *lues rubigalis* dictum, caput aliùs effert, atque omnem spem Agricolis subripit.

Tantas morborum causas ut avertat & depellat provida mater natura; partes omnes orbis universi velut in ponderibus constitutas examinat, elementorum alternos reddit recursus: ubi quædam principia in unâ regione, majori copiâ aggeruntur, ventorum beneficio hæc in alteram desert. Ideo hos per diversa disposuit, ut cum imbris succum nutritium telluri subministrarent, nec sinerent varias exhalationes in aere aggregari & diutius pigrescere, sed hunc assiduâ vexatione utilem redderent vitalemque animantibus. Quo autem potentiora evaserunt effluvia in atmosphæram delata, eo motu violentiori & crebriori hanc commovet, procèllas suscitando, quæ sunt, ut ita dicam, crises utilissimæ, quibus subindè causæ salubritatis restituuntur; iis enim ad terram detruduntur vel corrigitur vapores salini inprimisque sulphurei qui corpori humano perniciosissimi sunt, & procèllis impendentibus, manifestos effectus exerunt. Namque odore ingrato percipiuntur, procreant meteora ignea, & stellas quas sæpè vides,

Præcípites cælo labi, nollisque per umbram

Flammarum longos à tergo albescere tractus.

Tunc & cum fulgura vibrantur, qui debiliores & molliores sunt, ob elasticitatem aeris imminutam, anxietatibus premuntur, spiritum difficulter trahunt, languore & deliquio animi afficiuntur. Sub zonâ torridâ ipsæ feræ in recessu nemorum vaporum noxiâ qualitate torquentur, dirisque ululatibus procèllas nunciant. His verò discussis aerem puriorem, leviolem, & respirationi aptiorem fieri quisque expertus est. Materia subtilissima & suavis ubique diffunditur quæ odoratus organum gratè afficit, omnes sensus recreat & in cuncta animantia mirus edit effectus. Lætæ

Hinc pecudes, hinc ille avium concentus in agris.

Hinc liquidas corvi presso ter gutture voces

Aut quater ingeminant, & sæpè cubilibus altis,

Nescio quâ præter solium dulcedine læti

Inter se foliis strepitant. Juvat imbris actis

Progeniem parvam, dulcesque revîsere nidos.

Proindè fulminibus accensis potenter emendantur noxiæ aeris qualitates: haud focus ac in altissimis metallorum latebris, ubi nec communicatione cum reliquâ aereâ mole, nec follium ope possunt emendari vapores perniciosi, igne destruuntur, qui tunc fulminis effectus edit; fragore enim magno aer concutitur, incipit,

Sub pedibus mugire solum, juga celsa moveri,

Omnia ambientia sternuntur & ipsi homines de medio tolluntur.

Hinc non amplius mirari subit quòd quædam regiones salubriores evaserint post tonitrua & terræ motus, ut de Argivorum regione memoriæ proditum est, & quòd loca vulcanis montibus vicina saluberrima & fertilissima sint, sicut testatur ager Neapolitanus. His natura varios edit conatus ut inconcussum stet elementorum æquilibrium & vigeant motus atque calor requisita ad novam rerum productionem. Eâdem ratione, in calidioribus regionibus, tempestates tonitribus sociatæ stas temporibus redeundo, præsertim illis mensibus quibus alii deficiunt venti, putrefactionem incipientem sistunt, aerem tenuem, purum, benèque temperatum servant, hunc generationi animalium atque vegetabilium aptiorem reddunt: ut mox probare eni-mur exemplis ex Medicorum & etiam viatorum libris depromptis; quoniam autoritatibus huiusmodi dictorum veritas facilis demonstrabitur quam argumentis subtilissimis. Ordinem autem à terris quas venti periodici perflant.

Nulla fortasse regio insulis Bermudien-sibus conspectior est tum camporum fertili-um ubere, tum cœli optimâ temperie,

Hic ver assiduû atque alienis mensibus æstas,

Bis gravidæ pecudes, bis pomis utilis arbor.

Hic fruges & reliqua quæ terra parit mirâ crescunt celeritate, & eximiâ pulchritudine admirationem movent; hic homines saluberrimam vitam degunt. Tamen aqua maris ubique, effusâ ad aliquot pedum altitudinem terrâ, cerò reperitur, illiusque evaporatio maxima & subitanea, ob solis æstus, auram vitalem in præsentissimum venenum brevi converteret, nisi unoquoque novilunio expurgaretur tonitruis & procellis quorum temper prænu-n-ciæ sunt lunæ Hali, quæ ex maximâ vaporum copiâ tantum concitari queunt, & post dies calidos in omnibus terræ plagi tempestates præcinnunt. Igitur rectè Poeta ait:

Luna revertentes cum primum colligit ignes,

Si nigrum obscuro comprehenderit æra cornu

Maximus agricolis pelagoque parabitur imber.

Rio Janeiro Urbs Brasiliæ populo frequens, ventis periodicis vehementissimis perflatur, qui ab incolis *Doctores* vocantur quia suo adventu morbos grassantes fugant.

Antillarum & Virginæ populi camporum ubertatem, temperiem cœli vitalem, ac perennem salubritatem, se debere profitentur procellis quibus subindè aer iactatur. Idèò cum nubes ex alto collectas atram glomerare tempestatem, omnia ventorum prælia concurrere, crebris micare ignibus æthera, tonitribus terram tremere vident, invicti & impavidi perflant.

Ecnephiarum beneficio, apud caput bonæ spei, homines sani servantur, vites feliciter cresunt, & quot annis tellus omnigenos fructus è sinu suo liberaliter fundit.

In provinciis meridionalibus Sinarum quamvis aquæ stagnantes ubique repantur quæ oryzam alunt, vix nota est pestis quia venti sicci & vehementissimi, quos srio sævièntè valdè exoptant incolæ, aerem verrunt & purum servant.

Ipahan minimè morbis obnoxia est, omnesque judicantur ædemate pedum quod brevi discuntur, quia flant venti vehementissimi à mense Martio ad Maium usque.

Quo major est copia exhalationum & æstuosior earum indoles, eo majores & turbulentiores exoriuntur tempestates; quapropter loca mineris uberrima, vel montibus ignivomis vicina illis sæpissimè commoventur. Hujus generis sunt:

maria quibus Japonia cingitur, quia nulla regio vulcaniis montibus uberior est, atque Tonquincensium tellus quæ suos horrendos typhones habet versus æquinoctium autumnale, & ubi unoquoque septennio venti vehementissimi certò redeunt qui totius orbis ruinam minari videntur. Littora finus Persici ventis & procellis maximè obnoxia sunt eo imprimis tempore quo ardentissimus est sol, scilicet à 15 Junii ad 15 Augusti quia sulphureæ exhalationes tunc ingenti copiâ per aerem disperguntur & ipsæ aquæ hepate sulphuris adeò sunt imbutæ ut potui nullatenus sint idoneæ.

In locis ubi generalem, continuumque ventum prohibent montes oppositi, ut propè Guineam in Africâ, eadem observantur meteora. Uno verbo summi opificis munere concessa fuerunt omnibus terris, quæ corusco semper sole rubent, & torrentur semper ab igni. Namque sine iis non tellus ibi pressio confurgeret aratro, nec frugem segetes præberent, nec ulla animalia spiritum vitalem traherent.

Sub nostro cœlo ob minorem caloris vim, natura sensim procreat, & sensim destruit. Quapropter vix noscuntur phænomena quæ maximum terrorem mortalibus ægris incutiunt. Eâdem tamen ratione aeris salubritas intacta servatur & plerumque post tempestates maximè irregulares & impetuosas, amœnissimum atque jucundissimum tempus sequitur, ubi benignior, pacatior, lenior, ac suavior aer calore suo omnia recreat, virent gramina, omne frondet nemus, morbi epidemici fugiunt. Æstate autem cum calore maximo indoles corpusculorum aere contentorum magis evolvatur, procellæ, venti maximi, turbones, sibi invicem succedunt, nullo tamen ordine constanti; nisi ob situm, & naturam loci, quædam causa peculiaris vento topico originem det. Ut *Pontius* in delphinatu qui tempestates commovendo aerem puriorem efficit, tellurem uberiorem reddit, & quo flante omnia feliciter & latius crescunt, quo autem silente terra sterilis jacet & lethales epidemiæ grassantur.

Venti quibus Lutetia nostra subindè persatur, & procellæ quæ sirio sæviante excitantur, impediunt quominus ibi aer ineptus respirationi evadat, ingenti exalationum copiâ quæ ob civium multitudinem & sordes omnis generis continuò evehuntur in auras.

Tot exempla modò enumerata autoritate suâ fulciunt viri clarissimi qui accuratissimis observationibus morborum causas & naturam inquisiverunt. Hippocrates, Rhafes & Avicenna qui regiones æstu torridas incoluerunt, de peste pronuntiare, ejus incunabula ab intempestivis terræ humescentis vaporibus, fervoribus & ventorum silentio esse deducenda. In hisce etiam nostris qui feliciori cœlo gaudent regionibus, nulla alia aeris temperies, ut aperte docent Hollerius & Ballonius, educandis, alendisque morbis epidemicis per se magis obnoxia est, quam quæ mixtas ex humido & calido qualitates præfert, & ventis vacua diu perdurat. Dum enim constitutionibus mutabilibus modò fibræ aere humido laxantur, modò siccò & frigido stringuntur, quoddam quasi æquilibrium in quo sanitas consistit servatur; atque id maximè profectò si imbecilliores probè subitas hæc mutationes caveant. Sic Parisiis ab aliquot annis cœlum multum inconstans ac fallax fuisse observavimus, nec ullum tamen epidemicum valdè morbum grassatum fuisse. Haud rarè *Hercle notavi* (ait Huxamius cujus autoritas in hoc negotio maxima est) *post procellas, gravesque pluvias febres epidemicas multum fuisse imminutas & vi & numero, effluviis nempe contagiosis & morbidis atmosphæræ conspicuibus hoc modo dispersis.* Indè Circio vento vehementissimo, ædificia quamvis quassanti gens Gallica gratias agebat, teste Senecâ, quia illi salubritatem cœli sui se debere existimabant. Ideo Augustus templum illi cum in Galliâ moraretur & fecit & vovit.

Pro nobis adhuc stat Joannes Stedman Anglus qui hanc rem studiosè profecutus est. Ille conferendo historiam morborum, qui spatio quinque annorum vigerant, cum observationibus magnâ curâ eodem tempore factis, deprehendit maximè insalubres fuisse duos horumce annorum, in quibus venti vehementissimi rariis aerem commovissent septem mensibus, qui fuerunt à Junio ad Decembrem annorum 1732 & 1735. Hoc enim temporis decursu procellæ aut venti vehementissimi quatuor tantum observata fuerunt, aliis annis autem 32. Hos menses & qui insecti sunt maximè morbosos extitisse probant observationes à laudatissimâ societate Edinburgenfi factas quas hic summatim recensere haud à proposito alienum crediderim ut uberior dictis accedat confirmatio.

Ab Augusto anni 1732 usque ad finem Octobris, febris ex lentarum genere grassata est, in primis per plebem infimam, quæ stipata erat diris cephalalgis, deliriis & diarrhæâ, duobus ultimis mensibus functior evasit, ægrotantes stupore & lethargicis affectibus corripiebantur, atque octavo vel nono die de medio tollebantur.

Novembri & Decembri his malis se comites junxere, cholera morbus, Anginæ, rheumatismi quæ paucis pepercere. Februm symptomata vulgaria comitabantur, vel antecedeabant excretio magna mucis à naribus & tonsillis, distillatio lymphæ acris ex oculis, inflammationes gutturis, tussis contumax, intestinorum acutissimi dolores, quos diarrhæa aut dysenteria subsequēbatur.

Noxii effectus hujus constitutionis maximam partem an. 1733 perstarunt. Namque cum de morbis epidemicis judicium est ferendum non semper qualis sit aeris status considerandum est, sed etiam qualis fuerit qui præcesserit. Corpora enim robustiora aliquandiu resistunt prævæ aeris constitutioni, nisi illa sit ætiosissima & perniciosissima. Ut comprobant in primis observationes divi senis qui ait, si sub caniculæ exortum tempestates supervenerint spes est autumnum salubrem fore.

Annus 1735 non minis funestus fuit tum morbillis pessimi moris, tum febre lentâ quæ ad Februarium usque mensem grassata est, & ordiebatur diris anxietatibus. Alii delirio premebantur, & brevi sudoribus frangebantur; alii ex hac excretionem melius se habebant, erat enim crisis salutaris. Multi, quamvis difficilimè, sine ullâ crisi manifestâ emergebant.

Mense Februario anni 1736 febris pleuritica dicta viguit. Dolore acuto lateris ordiebatur, symptomata tamen quibus stipata erat, probant hanc fuisse ex illarum genere quæ à dissolutione sanguinis ortum ducunt, & quas concitat aeris status qui putrefactionem promovet. Plurimis lethalis evasit nec auxilio fuit sanguinis missio; imò, immediatè post illam, deprimebatur pulsus, qui antè neque frequens neque plenus erat, morbo magis torquebantur ægri, siti magis urgebantur, & debiliores erant. Insomnia continua fuerunt, toto decursu hujus febris quæ usque ad 23, aut 33 diem protendebatur.

Cæteris annis, quibus procellæ aerem validè commoverunt, morbi nec tam generales nec tam funesti evasere, remediisque facilius obsecuti sunt. Hæc autem prava constitutio à defectu ventorum tantum deducenda erat, quia tunc aliæ aeris qualitates ut gravitas, humor, & calor, nullo excessu peccarunt juxta observationes societatis Edinburgenfis.

Itaque ratio procellarum & ventorum vehementissimorum est habenda in observationibus meteorologicis, aut Epidemiarum historiis scribendis; nisi hoc fiat undè morborum grassantium causa repeti debeat scire nequimus. v. g. Cum legimus hydrargyrum in barometro maximè fuisse depressum, humore nec calore ullo excessu peccantibus, existimandi locus est constitutionem aeris insalubrem fuisse. Contrarium tamen evadit cum defectum gravitatis compensaverunt venti vehementissimi.

HÆC opinor quæ modò attulimus perspicuum faciunt, inter cœtera providentiæ opera ventos quoque vehementissimos & procellas admiratione nostrâ digna esse, nec ad exitium generis humani, nec cæco quoque casu concitari, sed jus suum peragere, certis, statisque legibus esse adstricta, & cursum servare irrevocabilem. his profecto qui hæc constanti studio prosequi noluerunt terribilia sunt quia horum metum raritas auget. Ex ipsâ autem elementorum indole necessariò fluunt, naturam adjuvant ut ipsius constituta peragantur. Ex tantâ discordiâ corporum inter se pugnantium, ex ipsâ cœli confusione totius orbis ordo inconcussus servatur, inperfa aeri inquinamenta purgantur. Nisi enim subindè huc illucque jactaretur, requietæ, residisque, & stagnantis aquæ more, brevi corrumpetur, niâsmata putrida latè vitium suum spargerent, & exhaurientes necarent, monstrosa morborum genera humanum genus pessumdarent.

Iisdem auxiliis, æstuque quotidie recurrente æquor à corruptione servatur. Classarii enim observantur hoc vitari, lethalesque vapores emitte cùm aliquandiu durant malaciæ, & multi qui in aperto, altoque mari intaââ sanitate fruuntur, in sinubus & portubus ægrotant, ex eo quòd minor sit ventorum impetus quàm ut aqueos vapores, aliasque noxias exhalationes, alibi transferre possit.

Indè qui incolunt montes altos ventis sæpè persilatos robustissimi sunt, saluberrimamque degunt vitam. Omnes terræ excelsæ quæ flatibus vehementissimis verruntur & sicciore sunt quam humidæ ut Armenia, regiones Tauro vicinæ, Tartaria, Japo, multæ Europæ provinciæ, aere gaudent saluberrimo, & rarò morbis epidemicis vastantur.

In locis è contrâ depressis, humidis, montibus obvallatis, aut mari vicinis, ad quos ventis difficile accessus datur, sæpè denso agmine prorumpunt pestilentes morbi, febres putridæ, malignæ, dysenteriæ. Rectè igitur cœlum semper triste, nebulosum & insalubre Sardinia tribuit Pausanias montibus altissimis quibus cingitur & à ventis septentrionalibus descenditur. Segusio sub finem æstatis febribus putridis vexatur, quia ad ripas fluvii sita est juxtâ Alpium radices quibus ferè undique ventorum accessus prohibetur. Constantinopolis ob vicos angustos, viciniam maris, peste vastatur deficiente Boreâ. Ubique demum fevidior & humidior aeris temperies, cum defectu ventorum cocunt similia observanda sunt. Effectus tamen eo peniciosiores deprehenduntur quo humor & calor sunt majora, ut testantur Africa aut Asia regiones mari vicinæ, fluviis magnis, vel pluviis frequentibus irrigatæ; quales sunt Æthiopia, Ægyptus, Bengala quæ ab omni ævo maxima fuerunt pestis emporia. Ob eandem causam Smyrna, Marsilia, Messina & multæ aliæ urbes portubus succinctæ morbis Epidemicis valdè obnoxia fuerunt.

Quapropter præcipua in civitatibus ædificandis cura esse debet, ut apertæ sint liberoque aeri exposita. lique qui studio litterarum operam dant, & vitam degunt sedentariam, conclavia altiora & in superiore ædificiorum parte eligere debent. Ibi enim aer ventis magis agitur & purior est inferiori.

In locis ubi adest maxima hominum frequentia, in carceribus, nosocomiis, theatris; aer spiraculis, ventilabris, aut alio modo commovendus est, ne pigrescendo in vitium abeat, contagiososque morbos concitet. Antiqui ad id maxime attenti fuisse videntur in ædibus publicis constituendis; memoria enim proditum est Philonem qui Bacchi theatrum ædificavit, summâ arte ventis accessum dedisse præcipuè occidentali qui in Græciâ siccus est & auditui maxime favet. Cum verò fabulæ, animi affectus exagitando, summas mutationes in corpore concitent, motum fermentativum humorum promoveant, perspirationem adaugeant, & morbis

epidemicis disseminandis, atque eorum viribus exerendis nihil aptius sit exhalationibus ferè putridis quæ emittuntur ex hominibus in loco calido coacervatis; Græcorum exemplo, spiracula aut ventilatoria struere deberemus, in aulis ubi spectacula concelebrantur, quamvis hæc illarum perfectioni minus conferrent. Tales enim nænæ flocci-faciendæ sunt cum de servandâ civium sanitate agitur.

V.

OBJICIET aliquis ventos & procellas stragem maximam edere, arbores radicibus evellere, gravidam latè segetem ab imis radicibus expulsam eruere, turbinibus nigris omnia rapi, ædes subverti, naves submergi, multisque præsentissimam mortem intendi.

Rarissimè tanta damna contingunt & sæpius incautos tantum obruunt: cum enim ex certis causis originem ducant, horum reditus certò prævideri, & effectus vitari possunt. Testes sunt Philosophi, Mathematici, Agricola, classicii, qui ex cœli inspectione attentâ tempestates imminentes augurantur. Ipsi barbari apud Indos in illâ arte experientissimi sunt, contemplato enim aeris statu, lintrem exitum descendunt, regionesque petunt quas assequi exoptant, ab iis ve recedunt. Eo certioribus signis summus opifex procellas præmonstrari & præcavere voluit, quo perniciosiores essent futuræ. Sic vento *Samyæ* dicto, qui tuo calore animantia fulminis celeritate suffocat & stat subindè mensibus Junio, Julio & Augusto juxta sinum Persicum, certa signa semper præcurrunt. Illo imminente totum ignescit cœlum, subito naturæ facies mutatur, lucem eripiunt nubes, aeris commotio percipitur; omne periculum viatores declinant, terræ procumbendo in vultus; hocque naturæ ductu ipsa animantia faciunt. Ventus ille quadrantem horæ vix durat, sinemque ejus nuntiat sibilus igni crepitanti non absimilis. Sic Ecnephia capitis Bonæ spei, qui procellas horrendas concitant, imparatas tantum subvertunt naves, duobus, tribusve horis antequam erumpant semper apparet nubecula nigra, & nautæ longius à littore secedere, velaque colligere possunt.

Non solum in regionibus calidissimis, & sub zonâ torridâ ubi tempestates omnium violentissimæ sunt, suis signis certò prævidentur, in nostris etiam, quæ minus nihil inconstantius & incertiùs ipsis videatur, horum naturam attentè assequendo, prævideri possunt. Hoc multæ observationes comprobant, nec sine ratione poeta ait:

Ipse pater statuit quid menstrua luna moneret.

Sol quoque & exoriens & cum se condet in undas

Signa dabit: solem certissima signa sequuntur

Et quæ manè refert & quæ surgentibus astris.

Crepusculi longiores vehementem motum adfuturum brevi in atmosphærâ præ-nunciant quia vapores collecti magis radios lucis refrangunt. Nautæ etiam cum nubes conglomeratas circâ horizontem easque latiores & minus opacas, sed paulò splendidiore, contuentur, fore ut ventus ex eâ parte brevi oriatur & plerumque vehemens augurantur. Imminentibus procellis aves turmatim à montibus in valles confugiunt, statio Mercurii in barometro deprimitur, illi ipsi quos in altissimis terræ latebris detinet auri sacra fames ex cæruleo candela accentæ colore, vaporibus, & aliis signis futuras præfagiunt tempestates. Multa alia sunt à philosophis memorata, quæ referre vitamus, ne longius à proposito digrediamur. Hæc abundè probant procellas incautis tantum nocere: quamobrem si ingens naturæ beneficium nonnullorum temeritas in suam perniciem vertat, non ideo inter calamitates est annumerandum. Præterea quæ in universum prosunt, ideo inter singulis nonnunquam & paucis cedant in detrimentum, non ideo minus

utilia haberi debent illis qui non in angustum ponunt naturam, peculiares tantum casus intuendo, sed hanc universam quanta sit illius magnitudo contemplatione suâ complecti tentant. Proinde cum tanta sint tempestatum commoda, ut omnia quot quot alit orbis terrarum animantia, illorum auxilio aurâ vitali fruantur, nullo loco habendi sunt peculiares quidam casus quibus tot modis occurri possumus.

Si opponatur, morbos epidemicos grassari etiam post procellas. Reponimus observationes quasdam asserti nostri veritatem nullo modo commovere; quia illi morbi ex causis accidentalibus, nec diu permanentibus originem ducere queunt, vel ex miasmatibus, longo tempore collectis quæ difficillimè procellis dissipantur, & sensim sine sensu corpora lædendo ea morbis magis obnoxia reddiderunt. Prætereà non quæ dixi ita accipienda velim quasi mihi consilium foret alias morborum epidemicorum causas omnino excludere; non enim diffiteor ad illos invehendo alia cum aere multum conferre; v. g. cibos insalubres, immaturosque terræ fructus, ut probat pestis quæ sæpissimè famem excipit & in pauperes primum debacchatur; hæc autem non sufficere evincitur ex eo quòd cælo puriori retundantur atque superentur semper symptomata contagioforum morborum.

Cum autem in omnibus scientiis pauca sint sine adversario; subtiliora, quæ nobis opponi possunt, argumenta excogitare & ad lancem exigere nec animus est nec otium. Quamobrem ingenti observationum numero corroborati concludere properamus.

Ergò à ventis vehementissimis & procellis aer salubrior redditur.

Proponerebat Parisiis EDUARDUS - FRANCISCUS - MARIA BOSQUILLON,
Eques, ex Monte desiderii apud Ambianenses, Saluberrimæ Facultatis Medicinæ Parisiensis Baccalaureus. A. R. S. H. 1770. A SEXTA AD MERIDIEM.

Thesauri auctor